

仙都志卷下

鞠五

仙都志卷下

鞠五

玉虛住山少微陳性定此一編集
獨峯山長番陽吳明義仲誼校正

高士

仙都乃祈仙洞天高尚之士代所不乏自宋
宣和以前玉虛厄於寇固不可考厥後若游
大成等往往闡揚宗教增重山門盛德清名
用叙其要

游大成樂成人宮因寇燬獨力重完克紹前
猷發明後學尤精地理之術自卜壽藏於

仙都之支山誓曰吾家猶子枝孫世世紹
襲當為天人師後果符是言傳之八世至
宋末墳為土寓所侵而游氏始絕焉

樓大度黃見素皆邑人不扇真風廣彰玄教
李伯祥劍川人道風高古增建飛天法輪甲

鞠五

於浙左

劉延用少微人奏免浮稅武若冲同門友表
樹玄勲

洪端本號高溪葉葆和號竹澗詹虛一號寄
庵陳觀定號楚山皆麗水人四世師弟子

也龍衣大道之正傳皆玄門之領袖楚山君
改易宮向勲蹟尤多

林天任號橫舟昆陽人昔授修職郎際陵谷
變遷歸心玄學遂採摭道典黼黻教科屢
闡黃籙大齋嘗於施鍊之夕顯大神光烜
赫九色亘天徹地民具爾瞻

謝天與號蘭谷金華人精崇道法弘贊宗乘
如禱雨祈晴興雷伐廟不動聲色如響斯
答人到于今稱焉

徐元璿號梓林麗水人爲玉虛道士宋景定

間應詔祈雪用粉筆書青紙為五出者以
進曰翼日辰時必雪皆五出及期果然賜
號紫微惠濟先生事具郡志元以好人名
天師尊其道俾領玉虛以養壽大德甲辰
無疾羽化留偈曰本是蓬萊仙子住世七

鞠五

二

十九年笑指鼎湖歸去洞觀無碍蒼天

趙嗣祺字虛一龍泉人幼學道玉虛既壯遍
遊名山再參南谷杜真人觀光上國名公
鉅卿無不敬愛欽受宣命賜印視五品甲
乙住持實始于此又數欽捧御香馳驛淮

蜀荆襄江浙湖廣閩海思播等處後住集
慶大元興永壽宮湖州計籌山界元觀平
江白鶴觀累奉綸音錫號玄明通道虛一
先生教門真士至元後庚辰冬解化于白
鶴藏劍履于計籌

李德寧字守一括城人嘗判三衢道教主貳
玉虛四十餘年興廢補弊爲己任至元庚
寅免稅之功尤著至正乙酉正月乙未忽
索褚筆書偈云抱德而寧守一而成天空
月明逍遙上清書已擲筆而化

草木

金蓮花按郡志仙都山孤石撐空石頂有湖
生蓮花古老相傳嘗有金蓮花瓣飄落

龍鬚草產于獨峯崖上舊志云黃帝駕龍上

昇群臣攀龍髯而上髯墜化為草

朝五

三

壽松古栢生于獨峯之頂木皆合抱四時長

青可見獨峯有鼎湖之潤深也

草木可藥者往往見山翁野叟採取形殊味

別莫識其名今按本草載所有者雖非土

產亦不廣生姑列其品目于後以表名山

之嘉秀云

黃精

菖蒲

菊花

天門冬

麥門冬

車前子

地黃

牛膝

薯蕷

薏苡仁

巴戟天

栝樓根

石斛

菴蘭

卷柏

草龍膽

旋覆花

草決明

芎藭

青蒿

絡石

茵陳蒿

石香薷

紫金藤

藍實

景天

葛根

石龍薊

仙靈皮

葳靈仙

苦參

當歸

通草

常山

何首烏

忍冬藤

芍藥

瞿麥

狗脊

山豆根

牽牛子

懷香子

百合

茅根

草薺

蓖麻子

金星草

天南星

仙茅

菝葜

艾葉

馬兜鈴

馬蹄香

劉寄奴

半夏

大青

剪草

莎草根

穀精草

骨碎補

王瓜

射干

白歛

續隨子

雞冠子

覆盆子

商陸

豨薟

鶴蟲

萱草根

夏枯草

藁耳實

馬勃

澤蘭

茵芋

紫河車

五味子

白朮

大汗

王不留行

防己

杜藜盧

羊蹄

大小薊根

細辛

鬼舊

水萍

香薷

紫蘇

鬼箭羽

薄荷

木蓼

馬芹

淡竹葉

馬齒莧

冬葵子

沙參

紫葛

蒴藿

燈心草

三白草

牛蒡子

苧根

菰根

薯草

甘蕉根

馬鞭草

地膚子

杜若

白蒿

桔梗

蛇莓

旱蓮草

草烏頭

松脂

楓脂

栢實

五加皮

地骨皮

桑白皮

楮實

槐實

椽實

五倍子

枸杞子

郁李仁

烏藥

黃蘗

茱萸

山茱萸

金櫻子

金鈴子

木槿

阜茨

苦楝

苦楝

練子花

蔓荊子

石楠

釣藤

梔子

烏桕木

擇木皮

水楊葉

秦椒

乾漆

杉材

稻米

粟

白扁豆

赤豆

綠豆

大麥

小麥

白油麻

甕子粟

梨

棗

藕實

雞頭

石榴皮

栗楔

桃仁

梅實

柿蒂

藤梨

枇杷葉

葱實

白苕

苦蕒

水芹

烏芋

苜蓿

菘

芥

蒜

韭

薺

碑碣

并題詠

黃帝祠宇石刻四大字唐繆雲令李陽冰篆

碑石元在玉虛宮後為縣人輦置邑庠慶曆間於碑陰刊之維瞻所撰學記今石尚

存馬

唐韋翹撰仙都山銘潛說友篆

潛前宋人

唐刺史李季貞撰仙都山銘趙必愿篆

趙前宋人

唐陸龜蒙題鏡巖周尊師所居詩并序

宋治平二年改賜玉虛宮敕黃及省劄部符

刻石

錢塘吳說陪郡守劉大中遊仙都記

通判丁宗旦題仙都山玉虛宮詩

郡守謝伋和運使李士舉詩

郡人項鶚撰玉虛宮免稅役記

太學尚書鄒景初遊玉虛宮詩并跋

太常寺簿吳大韶贈知宮詹虛一詩

杜晦之遊仙都記

郡守趙必愿遊仙都記

郡守安劉判申請改宮向狀

邑人潛說友撰重建玉虛宮記

邑令吳祖文題獨峯詩

仙居陳仁玉遊仙都詩弟邑令紹若跋

已上
錢塘

吳說至邑令紹

若俱宋時人

元縉雲縣尹石谷謝雷使徐元璿祈雨詩

元璽書大護持玉虛宮復甲乙正副全文刻

石

已上並在
玉虛宮

隱真劉先生玄墟碑志

元璽書護持妙庭觀復甲乙正副全文刻石

已上在

妙庭觀

轉運使葉清臣撰獨峯山銘磨崖于峯下慶

鞠五

六

曆間運使馬尋皇祐間運使蘇公舜元元

豐間少保趙清獻公抃及前後名公四十

餘人各記遊山歲月並磨崖于仙水洞中

慶曆間邑尉毛維瞻陪轉運使留瑜遊仙都

記磨崖于步虛山麓

嘉祐間會稽沈紳宣和間開封劉公長卿紹
興間錢塘虞公似平及前後名公二十餘
人各記遊山歲月並磨崖于初暘谷中
紹興間郭契敷蔣善昭趙善詩楊景奉詔詣
仙都祈雨記磨崖于鏡巖

嘉定間留元剛郭磊卿等遊仙都記磨崖于
初暘谷外石壁上

小蓬萊三字四明樓輪書立碑在山中

邑人黃邦彥題獨峯詩磨崖于童子峯

邑令王臺小蓬萊歌磨崖于石壁

已上轉運
副使葉清

臣至邑令王
墓俱宋時人

仙水巖三楷字磨崖于洞中

初陽谷三大篆字磨崖于谷中

倪翁洞三大篆字或云李陽冰書磨崖于洞

前

鞠五

七

隱真洞三篆字金龍洞三篆字天堂洞三隸

字忘歸洞三楷字並磨崖于其洞

右山中碑碣磨崖名目已見于前今摘其

銘記略存于後所有古今名公題詠詩集

另刊

都山銘

唐韋翊撰

亭亭仙都峻極維嵩屹立溟右削成浙東發
地直方磨霄穹崇靈沼在上祥雲積中圭臬
千仞柱寧四封目視不及翰飛靡窮群鼻奔
走列仙會同黃帝被訪碧嶺是冲丹穴傍起
金溪下融日照霞附月映綃蒙壤絕棲塵木
無寓叢居幽不昧守一而雄萬壽報響九成
來空嘉名來復展禮斯洪錄作懲止年祈感
通莫高匪茲造物之功

玄混播形厚載孕靈雄冠群山孤高亭亭挺
立參天盪盪青冥嵐凝丹穴霞馭雲屏上磨
九霄旁礙五星龍髯莫覩鳳管時聽降自穆
武求之靡寧徒聞荒政曾不延齡物有殊異
昔人乃銘爰勒斯文縉雲之垆

張鷟撰

仙都有山山出萬山直上千尋入煙霞深圓
如笋抽高突雲陰標表下國權輿象帝日歟
月歟萬有千歲東西大鎮川澤四衛造化無
垠莫知徃制晴嵐依依宿霧洞開髣髴有像

神仙下來灑氣盪盪靈鳥環迴永殊塵雜不
鼓纖埃絕頂霄嶠澄湖在上人罕戾止孰闕
其狀日燭雲披風飄液飛如雨雨空微灑霑
衣谷來松音潭影曙暉往往鶴唳不知所歸
唐垂百年玄宗體元響應萬歲聲聞上天帝

鞠五

八

祚明德祠堂在焉永懷軒后功成此地丹竈
猶存龍昇萬里事列方誌道高青史無復仙
容空流溪水百越之內此山爲大恍若壺中
疑生象外直而不倚高而不殆古往今來獨
立滄海

宋轉運副使葉清臣撰

黃帝車轍馬跡周遍萬國丹成雲起因瑞名山則獨峯之登固宜有是會將漕二浙行部括蒼道士仙都親訪靈跡慨然感秦漢之不白度也駐馬溪上勒銘山陰

於黃顯思道崇帝先隆三邁五功豐德全脫履厭世乘雲上天紉彼飛龍格于皇天
虐秦侈漢鑿兵事邊流痛刻下溺祚窮年
忘是古訓跋于巖巔宜爾靈仙孤風歸然

題詠

中書舍人白居易樂天

黃帝旌幢去不回
片雲孤石獨崔嵬
有時風激鼎湖浪
散作晴天雨點來

前進士徐凝

天地茫茫成古今
仙都凡有幾人尋
到來唯

鞠五

九

見山高下只是不知湖淺深

運使起居舍人曹唐

首二

蟠桃花老華陽東
軒后登真謝六宮
旌節暗迎歸碧落
笙歌遙聽隔崆峒
衣冠留葬橋山
月劔履將隨浪海
風看却龍髯攀不得
紅霞

零落鼎湖空

黃帝登真處青青不記年孤峯疑礙日一柱
獨擎天石恠長棲鶴雲閑若有仙鼎湖看不
見零落數枝蓮

江湖散人陸龜蒙魯望

題鏡岩周
尊師所居

見說身輕鶴不如石房無侶共雲居清晨自
削靈香柿獨夜空吟碧落書十洞飛精應遍
吸一莖秋髮未曾梳知君便入懸珠會早晚
來騎白鯉魚

序載仙都志中
鏡岩即仙水洞

太常博士皮日休龍襲美和

八十餘年住鏡岩鹿皮巾下雪髣髴床寒不
奈雲縈枕經潤何妨乳滴函飲礪猿回窺絕
洞緣梯人歇倚危杉如何計吏窮於鳥欲望
仙都舉一帆

兩浙轉運副使李建中

岩岩仙都山肅肅黃帝宮巨石臨廣澤千仞
凌高穹肇當融結初全得造化功深可蟠厚
壤峭疑截冥鴻雲輶去路存丹鼎遺迹空抽
潤草心碧敷香蓮葉紅升龍板矯矯飛鳳鳴
噫噫而我集仙署嘗比瀛洲雄星移婺女間

風駕析木東到覺毛骨爽坐如羽翼冲萬事
皆氛埃一氣歸鴻濛遐哉上聖道邈與玄化
同金簡奠至誠玉書銘代工功成解冠劍棲
息期此中

郡倅梁鼎

鞠五

黃帝升天石高名壯斗牛孤根斜照水寒色
不知秋貌與群峯並圓如一笋抽曉妨殘月
下晴碍落星流危定勝崑閬登應見沃洲愛
深無盡處日極更遲留

起居舍人轉運使孫何

首三

貝闕琳宮紫霧深
鳳凰仙樂尚悃悃
鼎湖往事三千載
石筍青春一萬尋
挺立不教凡草長
削成應免俗塵侵
霓旌絳節知何處
空有蓮花送好音

薜荔無因掛一毫
化工鐫削亦應勞
圭形直指明河落
桂影遙分漲海濤
發地五千何足貴
去天三百未爲高
軒轅轍迹今猶在
斗上丹梯著羽袍

黃帝升天去不還
空留片石在人間
千尋杳杳撐紅日
萬古栽栽出衆山
濕霧好花宮女

困倚雲喬木羽材閑時人不信飛昇路轍跡
龍髯竟可攀

刺史王含章

三年為郡仰靈蹤咫尺無因到此中長是徘徊
看圖畫果然嶮崿在虛空雲歸湖頂塵難
灤鶴立松梢路莫通春過碧溪人翫少古壇
牢落雨濛濛

翰五

十一

郡人太常丞周啓明昭回首

二首

鼎湖深幾許斗立向空牢霹靂削不得芙蓉
生更高飛昇須駕鶴負荷欲憑鼇千仞

何當繼我曹

萃光撐天一柱雄
遙看高與步虛同
待登絕隴觀華頂
又見巍巍峻插空

太常博士直史館知郡曾會

二首

時常展畫圖
今喜到仙都
盡得煙霞景
方知手筆麤
擎天成一柱
鎮地出三吳
苔片封車轍
蓮香泛鼎湖
占風來海國
迎日上雲衢
似筍千尋直
如藍四面鋪
秀能通造化
高豈碍搏扶
雷雨生岩竇
星辰遶藥爐
金華慚叱石
玉女望投壺
觀古壇尤在
碑荒字半無
未曾

迷阮肇何倦醉麻姑塵外標名異空中立影
孤笑秦銘泰嶽嫌舜葬蒼梧夏月風長滿秋
霜草不枯步虛吟羽客滴翠濕樵夫獨稱瀛
洲侶吟看典郡符

瀛洲風月十年餘東出雲臺典郡符更到煙
霞最深處分明景物是仙都

郡守陳若拙

發地便擎天根盤數畝煙化工成突兀轍迹
似雕鐫峭拔殊無倚孤高衆莫肩軒轅從此
去知復幾千年

著作佐郎兩浙運使柳紳

獨出諸峯表周圍一丈圓千尋雄鎮地萬仞
上擎天湖浪動星際荷花生日邊終當駕雲
鶴絕頂會神仙

胡志道

鞠五

十二

仙都古洞天雲闕高嶸嶸新宮欣然成碧瓦
燦鱗列我時宿瑛房六月失煩熱松聲起中
夜夢枕忽驚輟天籟鳴虛徐玉簫迤泠徹鳳
歌諧律呂鶴舞想應節安知非群仙宴罷搖
珮玦從來箏笛耳一洗萬想滅

已上夜宿仙
都聞松聲間

發音韻琅琅飄然若
鏗鏘環珮早起識之

李侯神仙才宇宙在其手古篆誇雄奇鐵柱
貫金鈕標榜黃帝祠宇畫氣渾厚想當落筆
時雲夢吞八九每傳風雨夜蜿蜿龍蛇走光
怪發岩竇草木潤不朽鬼物煩撓訶一旦忽
失守隨煙遽飛騰無復世間有因訪山中人
石刻尚仍舊誰能一新之易若運諸肘

右黃帝祠宇

李陽水篆

休說神仙事眇茫出游塵世且和光誰知今
日真棲地便是他年羽化鄉朝罷玉壇雲滿

袖夢回金闕月侵廊
茲游似覺青冥上
隱隱微聞詠洞章

右隱真堂

黃帝乘雲至帝鄉
空留轍迹鎖穹蒼
茫茫丹鼎知何在
曳曳霓旌不可望
乞得溪山增氣

鞠五

十三

象真成草木被恩光
我來睇目憑欄久
是可無情憶楚襄

右望雪閣

百年日月馬上過
贏得閑中可理生
絳闕清都非渺漠
寸田尺宅得經營
默存長使三宮

在急守須防五嶽傾他日功成定仙去願隨
風馭到蓬瀛

右可理室

幾年困塵鞿厥狀浸成俗比來夢魂清勝賞
得林麓群峯綰烟鬟炯炯皆在目寒碧冷相
射秀氣還可掬哦詩三伏中清風起幽谷只
恐吹我衣化爲雲錦服汗流籍湜輩上下相
追逐

右競秀軒

仙家日月遲春物長芳菲欲擷瓊瑤英咀爵

雲腴肥只恐花霧深香氣濕我衣坐哦心未
愜歸夢遠岩扉

右擷芳軒

上清之章曰擷
芳長引八騫林

曉誦黃庭經暮歌紫芝曲若欲童子頽軒中
勤練玉羽衣絡霞青雲鬢頽髮真綠功用信如

許庶可追妙躅

右練玉軒

紫微夫人之歌曰慶雲
纏丹爐練玉飛八變

門外無俗駕眼中有餘清上登堯堯闕八窓
皆虛明三光煥爾照萬象無隱情試觀弄丹

筆雲篆俱天成

右煥照室

黃庭經曰三光煥照入子室

升魏躡層巔雲陞近百尺平生塵土足到此
還幾歷有岩中杼然斧鑿若天劃玉泉出石
罅雨點散寒碧我來供茗事松鼎煮瓊液餘
甘生齒頰可以醒醉魄永懷鶴髮翁

謂周景復嘗居

鞠五

十四

此于四顧但空壁似聞便仙去山間謾留鳥

右仙水洞

好山如故人欣然見眉宇又如梳曉鬟紅綠
相媚嫵况茲愛山者握筆喜臨賦有岩巉然
開欲陟縱蹇步清游亦不惡勝境得飽飫掃

石坐晚涼濃翠濕冠屨好花續春遲紛紛雜
紅霧仙家在何許恐入桃源誤竟爲彌日留
直待山月吐謾尋流水歸不記來時路

右忘歸洞

山嵐鬱蒼蒼溪水流浩浩紛然世上人換易

如秋草竒哉三洞天連路極深窈陽崖射朝
曦先見扶桑曉誰能餐九華顏色端使好仙
翁蟬蛻去遺迹不可考我來愜登臨幽事費
尋討悲嘯聞澗猿啁晰聽啼鳥平生憤懣憶
到此始一掃行將袖手版汗漫游八表

右初暘谷

又名倪翁洞

茲山何巍巍欲上捫蘿蕙怪石虎踞蹲老卉
虬夭矯中有古洞天割然若天造爰從開闢
來日月自昏曉神龍此蟄蟠雷玉吐水森森每
逢歲旱乾山老必見禱顧盼層雲生掀舞百

鞠五

十五

川倒何時謝魚蝦昂雷騰浩渺

右龍泓洞

今名贊龍洞

群守劉參

古帝此登仙霓旌不復還孤票蒼嶺外屹立
紫煙間上下形端柱周迴影轉環根疑連海
嶠頂欲突天關蓮出湖心迥苔漫轍迹斑傍

存鍊丹釜低瞰步虛山
猿狖何能到鸞鳳自
可攀晝矜名手眇吟
怯鉅題艱鴈蕩非靈
異蘭岩鄙宴閑縉雲
遊覽處勝槩申人寰

邑簿校書郎毛維瞻

峭拔神仙宅來尋煙水重
深應盤九地高不讓群峯
瞻對竒勝晝捫緣直豈容
幾時蓮葉下終古鮮紋封
往事雲難問無言路有蹤
橋山杳何處侍從此攀龍

轉運使蘇舜元求翁

龍車鳳輦入瑤笑轍迹高懸不可攀
唯有風

吹鼎湖永青蓮花葉落人間

兩浙察訪使吳興沈括存中

苔封輦路上青山鶴馭遼天去不還惟有銀
河秋月夜鼎湖煙浪到人間

邑人國子洞業胡份子文

鳥道盤空上松根抱石生羽人分兩舍雞犬
自聞聲

兩浙提刑濡須楊傑次公

三首

有路入仙都何人到鼎湖秋風夜來急吹落
碧蓮無

問路從黃碧穿雲入紫清
林間松化石門外
玉為城

道士非愛山出家今已老
雖知車轍跡不識
龍髯草

郝守劉涇巨濟

鞠五

十六

石城雲屋抱浮丘
正是真人舊括州
會鄉仙
圖爭少勝不知身到洞天遊

津陽王鉅

題黃帝祠身

大觀

我渡溪水尋荒村
群峯勢若萬馬奔
酣酣春色雷初霽
靄靄野氣猶昏
瓊樓金闕滌地

盡松栢半帶斤斧痕要還清淨掃塵濁一炬
劫火安得焚行人鞠翠千馬拜仙都妙理吾
能言威神可畏凜如在自臺今亦祠軒轅當
年垂衣正南面制作取盤乾與坤鑿開鴻濛
肇人紀首爲區宇立本根風后方牧來聯翩
神機開闢施無垠初傳問道廣成子後乃密
契中皇君功高德大不可擬幾與造物分遺
恩遙遙唐堯遠炎運萬年聖子兼神孫至人
御世用常道飛升輕舉安足論爰從一氣生
萬物奈何已把天人分伏羲八卦畫已破女

媯欲補理亦繁飄然獨返清都去却歛造化
歸全渾廟前仙石表今古屹立霄壤爭雄尊
鼎湖可望不可見意令後世難攀援頂中玄
宮號泥丸自然有路朝天闔此身內外神氣
合俯仰自超生死門默運四時無詭異試觀

鞠五

十七

日月誰吐吞祗今湖邊送風雨草木吹動旗
與旛飄落十丈紅菡萏碧溪下挿玻璃盆馬
蹄車轍不須有雖迷襄野道自存岩泉夜發
百谷響洞庭樂聲猶可聞山川古色藏妙意
誰與開滌明根源我談希夷返淳朴不假辯

說波濤翻

郡人湖北提舉胡升子上

鼎湖不可見巍然但孤峯特立亘萬古氣壓
諸山雄黃帝久得仙游行跨飛龍至今世俗
傳尚指輦路通頗如昇天檜追求白鹿蹤常

言貴荒唐厥見真兒童顧惟此山竒實宜仙
所宮水聲來冷風和以萬本松客枕久未穩
笙簫滿虛空頗疑九成音不在二典中但恐
蚩尤旗曄曄舒長虹雖能獨不死忍視斯民
窮君看涿鹿戰萬古蒙其功鼎湖何足道帝

德彌蒼穹

通判延陵丁宗旦

紹興

世上洞天三十六縉雲第二十九區古木參
天架雲屋總真靈迹號仙都獨峯壁立二千
尺凌空聳翠屹然孤仰瞻絕頂煙嵐際曾開

菑菑名鼎湖舊說軒轅駐車轍雲駢風馭經
此塗石釜鍊竈丹砂就乘龍帝鄉纔須臾紫
虛碧落超塵世侍臣無路攀龍鬚唐朝天子
仙李裔德格天心來瑞符祥煙嘉氣卿雲布
山中九傳萬歲呼步虛對峙雲斷續東西互

雲高下殊澗邊幽徑登鳥道上有鏡岩如方
壺岩中乳水瀝嵌罅滴石成穴如仰盂水一
晝夜斛加半潦不泛溢旱不枯魯望曾記周
景復絕粒餐霞黃老徒棲真妙入懸珠會八
十餘年隱此居千古寥寥桑海變仙跡渺邈
還有無石門瀑布雖云好此間殊勝未易俱
特然造化鐘神秀虎頭妙手亦難圖

事跡出於圖經

古詩

郎中錢塘吳說傳明

佳住從來說鼎湖茲遊直欲到清都參天玉

筍千尋許墮地金蓮十丈無江觀便思眠一
柱海山今喜識方壺直須買取鵝城絹要畫
滄洲水墨圖

上饒韓元吉南澗先生

三首同

檻外風高霜月明步虛山裏步虛聲
罷琴刻

燭初長夜又得人間一夢清

封禪空餘不死名華清宮裏望長生
閑雲布作人間瑞更有山呼萬歲聲

龍虎驅馳戰阪泉荆山鼎就更昇天
軒轅到處存遺跡忍使君王不學仙

運使李士舉

道出仙都下溪深草木閑陰晴老農事豐稔
此心關誰削千尋石雲藏萬壘山王程元有
限那得更躋攀

四海無塵戰馬閑稻梁桑柘綠回環不知盡

鞠五

是君王力華屋重重對好山

已上過仙都徐氏山居見舊括

蒼續集今郡志云文公作誤也

郡守陽夏謝伋景惠和

盜節光華遠輶車那得閑咨詢元自急省歛

亦相關去住存高詠晴陰對好山深慙縻郡

綏仙境不同攀

老倪扶杖小童閑
遶舍清溪碧水環
爭看赤帷仍避靜
無桴鼓愛青山

浙東提舉朱熹晦庵先生

追和徐氏
山居韻

出岫孤雲意自閑
不妨王事似連環
解鞍盤

礴忘歸去碧澗修筠似故山

郡人吳謹微

遊仙都
五首

薄宦驅人畏簡書
金柔暑濁倦征途
歸來有意尋真境
路入仙都不憚迂

轍跡峯前聊息跡
忘歸洞口未能歸
往來名

利僮僮者著脚仙都亦自稀
黃冠道士老而癯相對談玄一事無勸我莫
教沉宦海人間亦自有仙都
石筍古傳八百丈鼎湖仙去幾千年我疑二
事無從政但信仙都是洞天

山下霏微雨洒塵門前嘹唳鶴迎人遂成一
覺仙都夢更訪遺蹤得隱真

郡守許尹覺民和

紹興

仙都蹤跡想遺書我欲歸時更問途忽得新
詩如見畫山蹊野徑不須迂

山中鶴怨無尋處
洞口雲歸未得歸
憶著仙都舊時路
石梁苔澁履痕稀

玉貌仙人老不癯
世間榮辱此中無
煙雲昨夜微銷鑠
似怪題輿車騎都

黃帝得仙從此去
鼎湖傳說幾經年
龍髯墜

鞠五

二十

地成春草直到如今不上天

桃源歸路淨無塵
只是當時避世人
仙事茫茫類如此
鼎湖轍跡恐非真

郡守吳芾追和

來訪仙都古玉虛
山前有客指迷途
煙霞渺

渺孤峯絕松竹森森一逕迂
策杖行行入翠微步虛山下久忘歸幽棲宜
有林中士何事斯人近世稀

聞道山巔有鼎湖蓮花還似舊時無軒轅去
後空車轍疑此山川即舊都

人已乘龍去不還尚餘雙鶴不知年坐來頓
覺塵寰隔始信壺中別有天

登覽茲山古到今流傳今有幾何人如君聖
踐懸知少况有新詩為寫真

仙都志卷下

